

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Održana sjednica Komisije za razvoj i unapređenje lokalne samouprave	1
Gradonačelnik Mostara traži Inckovu saglasnost da se nametne proračun	2
Zenica u projektu 'Gradovi bez korupcije-gradovi sa budućnošću'	2
Općina Goražde nova članica Unije općina Balkana, Afrike i Azije	3
INTERVJU: Smiljan Vidić, načelnik Općine Čapljina	3
Općina Vareš želi priključenje sarajevskom kantonu	4
Kantonalni ministar S.Hadžić sa saradnicima posjetio načelnike općina Doboj Istok i Gračanica	5
Susret zamjenice šefa misije OSCE-a u BiH N.Suomalainen sa pet načelnika u BiH	5
Čelni ljudi Općine Bihać razgovarali sa predstavnicima susjednih općina iz R.Hrvatske o zajedničkoj saradnji	6
Općina Visoko pokušava riješiti problem vodosnabdijevanja uz pomoć turske kompanije Faber Construction	6
INTERVJU: Hasan Ajkunić, načelnik Općine Bugojno	7
Gradačac i Tika dogovaraju zajedničke projekte	9
Sarajevo treći put u prestižnom evropskom magazinu 'City Leaders'	9

Bilten Saveza općina i gradova Federacije Bosne i Hercegovine

ODRŽANA SJEDNICA KOMISIJE ZA RAZVOJ I UNAPREĐENJE LOKALNE SAMOUPRAVE

Prva, konstituirajuća sjednica Komisije za razvoj i unapređenje lokalne samouprave Saveza općina i gradova FBiH, održana je 12. marta/ožujka u prostorijama Centra za podršku biznisu Općine Centar Sarajevo.

Za predsjednika Komisije izabran je **Miroslav Lucić** iz Općine Domaljevac-Šamac, a za zamjenika **Diana Salihbegović**, iz Općine Stari Grad Sarajevo. Ostali članovi komisije su: **Mirsad Sadić** - Općina Sanski Most, **Began Muhić** - Općina Živinice, **Anto Bunić** - Općina Usora, **Asim Zec** - Općina Pale-Prača, **Amira Delilbašić** - Općina Travnik, **Emir Bubalo** - Općina Konjic, **Ivana Arapović** - Galić - Općina Posušje i **Ružica Marković** - Općina Glamoč.

Komisija je, između ostaloga razmatrala Prijedlog zakona o lokalnoj samoupravi Kantona Sarajevo, te Prednacrt zakona o međuopćinskoj saradnji.

Članovi komisije su podržali zaključke sa sastanka četiri gradske općine održanog 07. februara/veljače 2013. godine. Povod za ovaj sastanak bio je Radni materijal prijedloga Zakona o lokalnoj samoupravi koji je Ministarstvo pravde i uprave KS uputilo svim jedinicama lokalne samouprave i ostavilo rok od 60 dana za dostavu primjedbi, prijedloga i sugestija na isti. Komisija je usvojila sljedeće zaključke:

- insistirati na simetričnim rješenjima svih općina u FBiH
- insistirati na doslovnoj primjeni Evropske povelje o lokalnoj samoupravi
- insistirati na preciznom definisanju nadležnosti, odnosno riješiti problem definisanja nadležnosti na više nivoa, te u tom smislu odrediti da je stvarno nadležan onaj ko ima sredstva
- inicirati sastanak sa ministricom pravde i uprave Kantona Sarajevo
- uputiti preporuku Ministarstvu pravde i uprave KS za formiranje radne grupe za konačnu izradu Prijedloga zakona o lokalnoj samoupravi KS u kojoj će učestvovati i predstavnici jedinica lokalne samouprave KS
- uputiti zaključke sa sastanka, zajedno sa ranijim stavom Saveza od 03.11.2011. godine prema nadležnim institucijama

Dakle, Komisija za razvoj i unapređenje lokalne samouprave danas je podržala sve nabrojane zaključke četiri gradske općine, kao i stavove sa sastanka u vezi sa Prijedlogom ovog zakona održanog u Savezu općina i gradova FBiH 03. novembra/studenog 2011. godine. Na sjednici su razmatrana i ostala aktuelna pitanja, te usvojen Poslovnik o radu.



Sa sjednice Komisije

Travnik dobija novi trg i sportsko rekreacioni park

10

U EU 40 % otpada se reciklira ili kompostira, dok BiH 100 % otpada odlaze na odlagališta

10

INTERVJU: Dževad Mujkić, načelnik Općine Lukavac

11

NEXPO 2013.-Međunarodni sajam općina

13

LAF Study Tour on Protection and management of water resources

13

GRADONAČELNIK MOSTARA TRAŽI INCKOVU SAGLASNOST DA SE NAMETNE PRORAČUN

MOSTAR, 07. mart/ožujak – Gradonačelnik Mostara, Ljubo Bešlić danas je, kako je Avazu potvrđeno u Gradskoj upravi, zatražio suglasnost i pismeno mišljenje od visokog predstavnika u BiH, Valentina Inzka za donošenje proračuna za ovu godinu.

"Nedonošenje proračuna moglo bi pridonijeti podizanju socijalnih i drugih napetosti i takav rasplet događaja treba izbjeći. Život u Mostaru, odnosno donošenje proračuna ne treba više vezivati za političke pregovore o primjeni odluke Ustavnoga suda BiH, jer građani Mostara ne trebaju biti taoci takvoga procesa", napisao je Bešlić Inzku.

Bešlić se, kako je rečeno u Gradskoj upravi, pozvao na članak 18. Zakona o načelima lokalne samouprave u Federaciji BiH, koji glasi:

- Ukoliko vijeće ne usvoji proračun u roku od 90 dana od početka proračunske godine, načelnik/ gradonačelnik proglašava proračun.

Člankom 60. istog Zakona, kako je pojašnjeno, propisano je da se isti primjenjuje na Grad Sarajevo i na Grad Mostar.

Također, Bešlić se u svom dopisu Inzku pozvao i na članak 52. Statuta Grada Mostara u kojem je navedeno da se „izrade, usvajanje i izvršenje proračuna vrše u skladu sa odredbama zakona o budžetima FBiH, kao i ostalim važećim zakonima.

"Iz navedenih zakonskih propisa jasno se može zaključiti da je gradonačelnik Mostara nadležan, mjerodavan i dužan donijeti proračun nakon 90 dana od početka proračunske godine", pojašnjeno je Avazu u Gradskoj upravi.



KORISNI LINKOVI ZA PREDPRISTUPNE FONDVE EU:

www.southeast-europe.net

www.adriaticipacbc.org

www.interregadriatico.it

www.europa.ba

www.cbib-eu.org

www.cbc.bih-mne.org

www.srb-bih.org

www.cbc-cro-bih.net

www.programmedmed.eu

www.tacso.org

www.euroinfocentar.ba

www.balkanfund.org

www.eurelmed.com

www.eacea.ec.europa.eu

ZENICA U PROJEKTU 'GRADOVI BEZ KORUPCIJE-GRADOVI SA BUDUĆNOŠĆU'

Zenica je prva općina u BiH, koja je otvorila proces borbe protiv korupcije u javnoj upravi.

Na ovogodišnjoj, februarskoj sjednici općinskog vijeća Općine Zenica, vijećnici su jednoglasno usvojili Antikorupcijski strateški plan za liječenje i sprečavanje korupcije kroz povećanje transparentnosti, odgovornosti i efikasnosti u radu lokalne uprave Zenica za period 2013.-2016. godine.

Dvadeset aktivnosti koje su u toku realizacije Projekta liječenja i prevencije korupcije u općinskoj upravi ocijenjene kao najosjetljivije na korupciju, svrstane su u šest oblasti. Radi se o javnim nabavkama roba i usluga, upravljanju javnim uslugama, inspekcijom nadzoru, upravljanju javnom imovinom, upravljanju ljudskim resursima i licenciranju i izdavanju dozvola.

„Naš glavni cilj je da pokušamo utjecati na korupciju, koja je svjetski problem, doprinijeti stvaranju ambijenta u Zenici, koji će odvraćati ljude od nečasnih radnji. Želimo vratiti povjerenje građana u institucije i da svi zajedno, javno mnijenje i javna djelatnost, gradimo zdravo okruženje, u koje će se željeti doći, u njega ulagati i tu moći ostvarivati ideje“, kazao je načelnik Husejin Smajlović.

Općina Zenica želi izgraditi partnerstvo sa građanima i o korupciji govoriti javno. Načelnik Smajlović pozvao je građane da učestvuju u ovom procesu i pomognu povećanju odgovornijeg i efikasnijeg rada lokalne uprave. Načelnik se obratio i uposlenicima lokalne uprave da svojim odgovornijim odnosom prema radu pomognu građanima u ostvarivanju njihovih prava.

U projektu su učestvovali predstavnici lokalne uprave i javnih preduzeća, za šta su dobili certifikate.

Ovaj projekt izrade antikorupcijskog strateškog plana dio je regionalnog projekta „Gradovi bez korupcije-Gradovi sa budućnošću“, koji je finansirala Svjetska banka i Austrijska vlada. Na regionalnoj konferenciji koja je održana u decembru 2012. godine u Zagrebu, u organizaciji Svjetske banke i Federacije za lokalni razvoj, a na kojoj su učestvovali načelnici iz četiri države regiona, načelnik Smajlović je predstavio antikorupcijski strateški dokument općine Zenica. Na konferenciji su razmijenjena znanja o rezultatima i lekcijama među lokalnim samoupravama centralne i jugoistočne Evrope, kao dobrih praksi u rješavanju osjetljivosti na korupciju unutar organa općinske uprave.



Grb Općine Zenica

OPĆINA GORAŽDE NOVA ČLANICA UNIJE OPĆINA BALKANA, AFRIKE I AZIJE

Mustafa Ak, načelnik Općine Keçioren iz Turske predložio je da Goražde postane član TDBB-a – Unije općina Balkana, Afrike i Azije.

Rukovodstvo TDBB-a je uputilo inicijativu za prijem u članstvo Općine Goražde, koju je Općinsko vijeće Goražda prihvatilo, te je na sastanku u Istanbulu načelnik Muhamed Ramović potpisao sporazum o pridruživanju Općine Goražde toj uglednoj Uniji, navodi se na web stranici Općine Goražde.

Riječ je o Uniji koja ima za cilj okupljanje općina koje imaju ili su imale dodir sa turskom baštinom (TDBB) koja u okviru svojih aktivnosti, uzimajući u obzir kulturni i civilizacijski napredak i tradiciju Turske, uspostavlja opsežnu saradnju u ozračju prijateljstva i solidarnosti.

TDBB je neprofitna organizacija koja u radu nema niti jedno pravilo koje se sukobljava sa zakonom bilo koje države članice i uvažava sve pravne vrijednosti. Saradnja se posebno odnosi na polje ekonomije, privrede i tehnička područja za poboljšanje na pitanjima informisanja i informatizacije, razmjene iskustava i uzajamnog pomaganja, posebno na polju tehnologije, zaštite historijske i kulturne baštine, dijagnosticiranje problema grada i gradske uprave te njihovo rješavanje, rasprava o traženju mogućnosti zajedničkih projekata, upravljanje jedinicom lokalne samouprave i studije urbane kulture i istraživanje.

Internacionalne Organizacije koje imaju suradnju sa TDBB su CEMR (Vijeće europskih općina i regija), COPPEM (Stalni odbor Euro-mediteranskog partnerstva lokalnih i regionalnih vlasti), UCLG (Udruženje gradova i lokalnih vlasti), ATO (Organizacija arapskih gradova), IRCICA (istraživački centar za islamsku povijest, umjetnost i kulturu).

TDBB ima protokol suradnje sa mnogo eminentnih institucija i organizacija poput "TIKA"-e, Turskog Crvenog polumjeseca itd.

Do sada je Uniji pristupila 1.001 općina iz 16 različitih zemalja širom Europe, Azije i Afrike.



TÜRK DÜNYASI BELEDİYELER BİRLİĞİ
UNION OF TURKISH WORLD MUNICIPALITIES
СОЮЗ МУНИЦИПАЛИТЕТОВ ТЮРКСКОГО МИРА

INTERVJU: SMILJAN VIDIĆ, NAČELNIK OPĆINE ČAPLJINA

Razgovarala: Sanela KARAICA



Smiljan Vidić, načelnik Općine Čapljina

SARAJEVO, 5. MARTA (ONASA) - Načelnik Općine Čapljina Smiljan Vidić u intervjuu za Agenciju ONASA govori o problemima sa kojima se suočava ova općina, planovima za naredni period, ekonomskoj situaciji i zaposlenosti te uticaju skorog ulaska Republike Hrvatske u Evropsku uniju na općinu Čapljina.

ONASA: Na čemu će biti akcenat rada lokalne vlasti u Čapljini u narednom periodu?

VIDIĆ: Brojni su problemi u funkcioniranju s kojima se susreću jedinice lokalne samouprave u BiH. Svjedoci smo da je zadnjih 7-8 godina prisutan trend uzimanja ovlasti općina od strane viših razina vlasti, a, ujedno, obaveze općina ostaju iste ili se čak i povećavaju. Uvjeran sam da su općine kamen temeljac našeg društva. Građani po rješenje svojih problema dolaze, prije svega, u općinu. Mi smo u izravnoj komunikaciji s građanima i trudimo se pomoći mada nerijetko nemamo instrumente za to. Zato ćemo i ove godine, putem Saveza općina i gradova, boriti

se za poboljšanje pozicije općina u BiH.

Naravno da je i ove godine prioritet otvaranje novih radnih mjesta te izgradnja nekoliko značajnih infrastrukturnih objekata. To su, prije svega, izgradnja vodoopskrbnog sustava Dubravska visoravan i sustava Čapljina Zvirovići (vrijednost investicije je 20 milijuna KM), sanacija i izgradnja lokalnih puteva (600.000 KM), izgradnja područne škole u Čeljevu (800.000 KM), izgradnja vanjskih teniskih terena (200.000 KM) te radovi na novoj gospodarskoj zoni (150.000 KM).

"Brojni su problemi u funkcioniranju s kojima se susreću jedinice lokalne samouprave u BiH. Svjedoci smo da je zadnjih 7-8 godina prisutan trend uzimanja ovlasti općina od strane viših razina vlasti, a, ujedno, obaveze općina ostaju iste ili se čak i povećavaju.

Zato ćemo i ove godine, putem Saveza općina i gradova, boriti se za poboljšanje pozicije općina u BiH."



Grb Općine Čapljina

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

ONASA: Koji su najčešći problemi s kojima se suočava općina Čapljina?

VIDIĆ: Dva su glavna problema, a to su nedostatak novih radnih mjesta i već spomenuta oduzimanja ovlasti Općini.

ONASA: Kako ocjenjujete trenutnu ekonomsku situaciju na području općine?

VIDIĆ: Općina Čapljina dijeli sudbinu svih ostalih u BiH, odnosno u cijeloj regiji, jer prije rata razvijeno gospodarstvo je u ratnom i poratnom periodu gotovo u cjelosti uništeno. Glavni uzrok je neadekvatno provedena privatizacija, nedostatak pozitivnog ekonomskog razmišljanja, a svakako treba nadodati i političku neuređenost društva u kojem živimo.

Ipak, zadnjih nekoliko godina, bez obzira na sve poteškoće, bilježimo stalni porast broja uposlenih. To nisu velike brojke (za prošlu godinu 85), ali su ohrabrujuće. U 2012. godini, u odnosu na godinu prije, imali smo porast poreza na dohodak od pet posto, a imajući u vidu da je ovo čisto lokalni porez i da zavisi od broja uposlenih i njihovih primanja, ovo je ohrabrujući podatak.

ONASA: Jeste li zadovoljni stepenom zaposlenosti na području općine Čapljina i šta lokalna vlast radi na povećanju zaposlenosti, posebno mladih i obrazovanih kadrova?

VIDIĆ: Sa brojem zaposlenih svakako nisam zadovoljan niti ću ikada biti jer želja nam je da taj broj bude što veći. Na dan 31. decembra 2012. godine, na području općine je bilo uposleno 4.495 osoba, a nezaposlenih je bilo 2.788 osoba. Brojne su aktivnosti kojima pokušavamo stvoriti povoljan ambijent za ulaganje potencijalnih investitora. Jedna smo od rijetkih općina koje imaju potpuno novi Prostorni plan, te smo na taj način planirali prostor respektirajući današnja saznanja iz te oblasti. Formirali smo novu gospodarsku zonu koja se nalazi uz sami Koridor 5c, cijenu općinskog zemljišta smo spustili na 1 KM po kvadratu, moderniziranjem opreme i tehničkim usavršavanjem osoblja ubrzali izdavanje različitih dozvola (građevinska dozvola se izdaje u roku od tri dana), napravili smo Plan razvoja Općine za period 2010-2020. godina te Plan gospodarenja poljoprivrednim zemljištem.

Mladim obrazovanim ljudima dajemo posebnu pozornost, na različite načine. Jedan od načina je omogućavanje stjecanja radnog iskustva kroz pripravnički staž. Ove godine smo primili 32 mlade osobe. Poštujući ideju da je znanje naša najveća snaga, sufinanciramo sve magistarske i doktorske radove.

ONASA: Republika Hrvatska uskoro ulazi u Evropsku uniju (EU), što znači da će općina Čapljina uskoro graničiti sa Unijom. Kako će se to odraziti na Vašu općinu?

VIDIĆ: Činjenica je da se BiH nije na adekvatan način pripremila za ulazak Hrvatske u EU i sigurno je da će to izazvati niz problema u BiH. Ulazak Hrvatske u EU mi doživljavamo kao našu priliku, prije svega u gospodarstvu. Činjenica da spadamo u pogranični pojas, blizina luke Ploče, Koridor 5c, kao i već obavljeni brojni razgovori s gospodarstvenicima iz Hrvatske koji su pokazali interes za preseljenje jednog dijela svoje proizvodnje u Čaplinu, daje nam za pravo da očekujemo pozitivan ishod. U tom smislu smo i locirali našu gospodarsku zonu u blizini granice, te pomažemo lokalnim firmama prilikom licenciranja i brendiranja.

OPĆINA VAREŠ ŽELI PRIKLJUČENJE SARAJEVSKOM KANTONU

Jednoglasnom odlukom svih 19 vijećnika Općinskog vijeća Vareš usvojen je Prijedlog zaključka o pokretanju inicijative za izmjene Ustava FBiH.

Cilj inicijative, koju bi po ovlasti Vijeća kod nadležnih trebalo da lobiraju predsjedavajući općinskog vijeća Zdravko Marošević i načelnik Općine Vareš Avdija Kovačević, jeste izlazak općine Vareš iz Zeničko-dobojskog kantona i njeno pripajanje Kantonu Sarajevo.

- Voljom građana i organa ove općine želimo predložiti organima FBiH koji rade na izmjeni i dopuni Ustava tj. reformama Ustava, da općinu Vareš u novom ustroju teritorijalnih jedinica u FBiH-preformiranju kantona, priključi Kantonu Sarajevo- stoji u tekstu inicijative koju su potpisali svi vijećnici. (Izvor: ekapija.com)



Avdija Kovačević, načelnik Općine Vareš



Grb Općine Vareš

KANTONALNI MINISTAR S. HADŽIĆ SA SARADNICIMA POSJETIO NAČELNIKE OPĆINA DOBOJ ISTOK I GRAČANICA



Ministar Senaid Hadžić u posjeti Gračanici

S ciljem upoznavanja sa problemima sa kojima se suočavaju lokalne zajednice iz oblasti trgovine, turizma i saobraćaja kantonalni ministar Senaid Hadžić sa saradnicima, 5. marta/ožujka je posjetio načelnike općina Doboj Istok i Gračanica, saopćio je Ured za zajedničke poslove kantonalnih organa Tuzlanskog kantona. Osim upoznavanja sa problemima s kojima se općine susreću, a koje su u nadležnosti Ministarstva ministar Hadžić je sa saradnicima načelnicima prezentirao planirane aktivnosti Ministarstva u 2013. godini, a koje se prije svega odnose na snažniju promociju domaćih proizvoda i turističkih potencijala, ali i energičniju aktivnost na suzbijanju nelegalnog prijevoza

putnika.

"Sve ovo želimo postići i imamo potencijal da pokrenemo ove aktivnosti, ali nam je za njihovu realizaciju neophodna podrška lokalnih zajednica", istakao je ministar Hadžić, te dodao da će Ministarstvo u skladu sa svojim nadležnostima, poduzeti sve neophodne aktivnosti kako bi se uklonile eventualne barijere, te intenziviralo rješavanje svih pitanja koja su u nadležnosti Ministarstva.

Ovom prilikom, razgovaralo se i o provođenju Operativnog plana mjera za suzbijanje nelegalnog rada u oblasti cestovnog prijevoza, funkcionisanju linijskog i vanlinijskog kao i taksi prijevoza, uređenju autobuskih stajališta i taksi štandova, finansiranju saobraćajne infrastrukture, rješavanju pitanja iz oblasti turizma i trgovine, a sve u vezi sa aktivnostima koje su na ovom planu realizirale lokalne zajednice.

Posebna pažnja posvećena je budućoj promociji turističke ponude svake lokalne zajednice na području TK, ali i adekvatnom utrošku sredstava koja se općinama dodjeljuju za obnovu i rekonstrukciju kulturno historijskih spomenika i objekata, kao i sakralnih objekata na području TK. Načelnik općine Doboj Istok Kemal Bratić izrazio je zadovoljstvo ovom posjetom, kao i činjenicom da je "iz prve ruke" dobio informacije o planiranim aktivnostima Ministarstva u narednom periodu, u čemu će Općina Doboj Istok uzeti aktivno učešće, posebno kada se radi o promotivnim aktivnostima "Kupujmo domaće".

Načelnik Općine Gračanica Nusret Helić istakao je kako je zadovoljan što je kao prioritet, kada je u pitanju putna infrastruktura, planiran završetak radova i rekonstrukcije na regionalnom putu Gračanica-Srebrenik, kao dionice od posebnog značaja za život građana i privrede na ovom području.

Na kraju sastanaka zaključeno je da se sva otvorena pitanja i sugestije upute direktno Ministarstvu koje će u najskorije vrijeme nastojati dati adekvatne odgovore, ili ukazati na najefikasniji put njihovog rješavanja.

U ime Ministarstva, osim ministra Hadžića, današnjim sastancima su prisustvovali pomoćnici ministra Nenad Lukanović i Ekrem Avdić, direktor Direkcije cesta Sulejman Brkić, te predsjednik Turističke zajednice TK Hasan Sejdinović.



Grb Općine
Gračanica



Grb Općine
Doboj Istok

SUSRET ZAMJENICE ŠEFA MISIJE OSCE U BIH N. SUOMALAINEN SA PET NAČELNICA OPĆINA U BIH

SARAJEVO, 6. mart/ožujak – Zamjenica šefa Misije OSCE-a u BiH Nina Suomalainen, održala je danas u Sarajevu održati radni ručak sa pet novoizabranih žena načelnica općina u BiH, na kojem je, između ostalog, bilo riječi o projektima Misije tokom 2013. godine i mogućnostima za međusobnu saradnju.

Od 142 općine, žene su kandidirane u 29 općina, a pet ih je dobilo povjerenje glasača za pozicije načelnica za sljedeće četiri godine.

N. Suomalainen kazala je nakon sastanka da OSCE u BiH već duže vrijeme razvija partnerstvo između žena političarki i organizacija građanskog društva kako bi podigla nivo svijesti o prioritetima žena.

*Od 142 općine, žene su
kandidirane u 29 općina,
a pet ih je dobilo
povjerenje glasača za
pozicije načelnica za
sljedeće četiri godine.*



"OSCE u BiH daje punu podršku za učešće žena u politici, odnosno procesima odlučivanja. Činjenica je da žene imaju mnogo taga za dati u smislu poboljšanja ukupne situacije u društvu. Žene lideri mogu biti primjer i ostalima kako se može efikasno kombinovati porodični i društveni život", kazala je N. Suomalainen.

Načelnice su istakle da žene na odgovornim funkcijama po automatizmu imaju i veće odgovornosti od muških kolega, i to samo zbog činjenice da su žene, te da mogu u isto vrijeme raditi više poslova.

Istakla su da će fokus rada u narednom periodu biti zadržavanje starih i otvaranje novih radnih mjesta, odnosno izgradnja povoljnog ambijenta za investiranje u lokalne zajednice.

N. Suomalainen je razgovarala sa Milevom Komlenović, načelnicom Općine Kalinovik, Snježanom Rajilić, načelnicom Općine Novi Grad, Amrom Babić, načelnicom Općine Visoko, Jasminkom Begić, načelnicom Općine Doboju i Divnom Aničić, načelnicom Općine Mrkonjić Grad.

ČELNI LJUDI OPĆINE BIHAĆ RAZGOVARALI SA PREDSTAVNICIMA SUSJEDNIH OPĆINA IZ R. HRVATSKE O ZAJEDNIČKOJ SARADNJI

Emdžad Galijašević, općinski načelnik Bihaća i dr. Roman Jurić, predsjedavajući OV Bihać organizirali su, 07. marta/ožujka, sastanak sa načelnicima pograničnih općina Republike Hrvatske i generalnom konzulicom R Hrvatske.

U razgovoru sa gradonačelnikom Slunja Ivanom Bogovićem, načelnikom Rakovice Franjom Franjkovićem i Plitvičkih Jezera Ivicom Kukuruzovićem, predstavnicima Donjeg Lapca, te Dunjom Jevak generalnom konzulicom R. Hrvatske u BiH i Ivanom Šegulićem, prvim konzulom R Hrvatske, načelnik Galijašević istakao je saradnju u području zajedničkog kandidiranja projekata prekogranične saradnje, pitanje intenziviranja saradnje u oblasti kulture, sporta i turizma, te pokretanje zajedničke inicijative o otvaranju malograničnih prijelaza.

Posebno su istaknuli i pokretanje inicijative o posebnom režimu prometa u vrijeme turističke sezone, odnosno želja je olakšati prelazak granice turista iz Nacionalnog parka Plitvička Jezera u Nacionalni park Una i obrnuto.



Bihać

Razgovarano je i o uspostavi poslovno - tehničke saradnje među privrednim subjektima i općinama uz granicu BiH i Hrvatske, otvaranju malograničnog prijelaza u Martin Brodu, te projektima zaštite okoliša u općinama Donji Lapac i Plitvička Jezera koja se odnose na zbrinjavanje otpadnih voda iz obje općine. „U toku je priprema dva vrlo važna sporazuma između Hrvatske i BiH koji se odnose na prekogranični promet i pograničnu suradnju i nadam se da će do kraja svibnja ovi sporazumi biti potpisani, kako bi se napravio korak naprijed u poboljšanju odnosa BiH i Hrvatske, a najveću korist imati će pogranične općine s obje strane granice,“ - istakla je Dunja Jevak,

OPĆINA VISOKO POKUŠAVA RIJEŠITI PROBLEM VODOSNABDIJEVANJA UZ POMOĆ TURSKE KOMPA NIJE FABER CONSTRUCTION

Načelnicu Općine Visoko Amru Babić, posjetili su predstavnici kompanije "Faber Construction" iz Istanbula, direktor mr.sc. Bilal Šahin i prof.dr. Hasan Zuhuri Sarıkaya. Radnom sastanku prisustvovali su i predstavnici Agencije za vodno područje rijeke Save, Enes Alagić i Mirza Sarač, navodi se na web stranici Općine Visoko.

Tema sastanka bila je aktuelna problematika vodosnabdijevanja, odvodnjavanja i prečišćavanje otpadnih voda na području općine Visoko.

Polovina stanovništva općine Visoko ima uredno vodosnabdijevanje, dok druga polovina ima neuredno ili skoro nikakvo snabdijevanje vodom. Dodatni problem je što lokalnim vodovodima ne upravlja formalno niko, te se ne ispituje bakteriološka i hemijska ispravnost vode koju koriste građani Visokog. Tokom sastanka zaključeno je da se čim prije pristupi izradi plana i studije koji bi imali za cilj trajno rješenje jednog od najvažnijih problema sa kojim se susreće općina Visoko, problema vodosnabdijevanja, a sve u saradnji sa nadležnim institucijama na federalnom i državnom nivou.



Grb Općine Visoko

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



**Predstavnici kompanije "Faber Construction" na sa
načelnicom A.Babić**

„Ne možemo dozvoliti da u 21. stoljeću imamo neriješeno pitanje vodosnabdijevanja i to izraženo u tolikoj mjeri da ovaj problem na vlastitoj koži svakodnevno osjeća čak pola stanovnika naše općine. Dakako, ovo je jedan od problema koji smo naslijedili i premda prevazilazi naše realne mogućnosti, to nas ničim ne opravdava da ga nijemo posmatramo. Učinit ćemo zato sve što je u našoj moći da ovaj problem sistemski, stručno, vlastitim snagama, ali i uz pomoć viših struktura vlasti, počnemo rješavati izgradnjom

jedinstvenog sistema vodosnabdijevanja, kao dugoročnog rješenja“, riječi su načelnice Babić.

Predstavnici Agencije za vodno područje rijeke Save, dali su punu podršku ovakvom načinu rješavanja osnovnih životnih pitanja, te su u skladu sa ranije izrađenim konceptom, zajedno sa predstavnicima "Faber Construction"-a i načelnicom Općine Visoko dogovorili naredne korake koji uključuju izradu projektnog zadatka i programa radova za pojedine etape predmetne problematike.

Predstavnici "Faber Construction"-a izrazili su spremnost u rješavanju ove problematike, te privlačenju turskih investitora u realizaciji projekta.

Kompanija "Faber Construction" se bavi građenjem, provedbom idejnih i infrastrukturnih projekata izgradnje vodovoda i tunela za otpadne vode, proizvodnjom vodovodne opreme-vodomjera, kao i rješavanjem infrastrukturnih problema u skladu sa dugoročnim planiranjem razvoja gradova.

INTERVJU: HASAN AJKUNIĆ, NAČELNIK OPĆINE BUGOJNO

Razgovarao Kerim ZVIZDIĆ

SARAJEVO, 4. MARTA (ONASA) - Načelnik Općine Bugojno Hasan Ajkunić u intervjuu za Agenciju ONASA izjavio je kako vjeruje da općinski budžet za ovu godinu, u iznosu od oko 7,2 miliona KM, zadovoljava potrebe svih budžetskih korisnika, te da će on biti usvojen do kraja marta. Kako je kazao, budžetom je zadržan nivo kapitalnih investicija, koji za ovu godinu iznosi oko 1,2 miliona KM.

Između ostalog, Ajkunić u intervjuu govori o saradnji sa Općinskim vijećem, aktivnostima na stvaranju ambijenta za zapošljavanje, te o realizaciji planova zacrtanih u Strategiji lokalnog razvoja za period od 2005. do 2015. godine.



Hasan Ajkunić, načelnik Općine Bugojno

ONASA: U općini Bugojno na snazi je odluka o privremenom finansiranju, a o Nacrtu budžeta za 2013. godinu, koji iznosi oko 7,2 miliona KM, obavljena je javna rasprava. Da li je bilo primjedbi na planirana budžetska sredstva i na koje se stavke one odnose?

AJKUNIĆ: Javna rasprava je okončana 20. februara i to je bila prilika da svi iznesu svoje sugestije. Vjerujem da je Nacrt budžeta zadovoljio potrebe svih budžetskih korisnika, tako da mogu reći da nismo imali neke velike zahtjeve koji bi išli ka tome da se mijenja okvir budžeta.

U poređenju sa budžetima iz prethodnih godina, možemo reći da je ovogodišnji budžet u iznosu od 7.220.000 KM realan i da sve veće promjene koje bi mogle nastupiti u Općinskom vijeću ne bi mogle zadovoljiti normu punjenja budžeta. Imajući u vidu tok javne rasprave, mislim da će budžet, ipak, ostati u postojećim okvirima utvrđenim u njegovom nacrtu.

Sjednica Općinskog vijeća na kojoj bi trebali biti razmatrani Prijedlog budžeta za 2013. godinu i Odluka o njegovom izvršenju trebala bi biti održana do kraja ovog mjeseca, mislim oko 20. marta.

ONASA: Koliko će u ovogodišnjem budžetu biti mjesta za kapitalne projekte i koji su to projekti vitalni za razvoj bugojanske općine, ali će, zbog ukupne ekonomske situacije, morati sačekati bolja vremena?

“Ne možemo dozvoliti da u 21. stoljeću imamo neriješeno pitanje vodosnabdijevanja i to izraženo u tolikoj mjeri da ovaj problem na vlastitoj koži svakodnevno osjeća čak pola stanovnika naše općine.”



Grb Općine Bugojni

“Bez obzira na ekonomsku krizu, mi smo okvirno zadržali nivo kapitalnih investicija koji za ovu godinu iznosi oko 1,2 miliona KM.”



Bugojno, stara razglednica

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelsmed.com
www.eacea.ec.europa.eu

“Generalno govoreći, moramo definitivno pokrenuti proceduru preispitivanja određenih zakona koji su usvojeni na višim nivoima vlasti bez konsultacija sa jedinicama lokalne samouprave. Djelimično sam zadovoljan uvezanošću sa višim nivoima vlasti... U većini slučajeva, puno toga je oduzeto iz nadležnosti lokalnih zajednica, u kojima se u najvećoj mjeri odvija život ljudi.”

AJKUNIĆ: Kroz plan kapitalnih investicija naslućuje se šta bi trebali uraditi u ovoj godini... Bez obzira na ekonomsku krizu, mi smo okvirno zadržali nivo kapitalnih investicija koji za ovu godinu iznosi oko 1,2 miliona KM. Radi se o sredstvima iz općinskog budžeta, kojima treba dodati i sredstva viših nivoa vlasti, te sredstva koja dolaze iz lokalne zajednice, a kojima se sufinansiraju određeni infrastrukturni projekti.

Planiramo nastaviti realizaciju

infrastrukturnih projekata u centru grada i zadržati se na infrastrukturnim projektima po mjesnim zajednicama. Vjerujem da ćemo nastaviti raditi i na svim projektima započetim u prethodnom periodu.

Projekti koji se naslanjaju na više nivoe vlasti (kanton, entitet, država), ukoliko na tim nivoima vlasti ne budu planirani, biće zapostavljeni i na lokalnom nivou. Konkretno, imamo kapitalni projekat zaobilaznice Novi Travnik - Bugojno, koji je do sada podržavala Federacija BiH, a vjerujem da ćemo ove godine definitivno ići ka spajanju dva mosta. Radi se o važnoj saobraćajnici koja skraćuje putnu komunikaciju Bugojna sa Sarajevom, kao i put prema Hercegovini i Hrvatskoj.

Vjerujem da ćemo, uz pomoć međunarodnih fondova, realizovati i druge projekte koje radimo sa Srednjobosanskim kantonom (SBK) i Federacijom BiH, kao što je projekat Poslovna zona "Bugojno II", što sve skupa pokazuje da neće biti puno odstupanja u odnosu na prošlu godinu kada su u pitanju kapitalni projekti.

ONASA: Jeste li zadovoljni stepenom zaposlenosti na području općine Bugojno i šta općinska vlast radi na povećanju zaposlenosti, posebno mladih i obrazovanih kadrova?

AJKUNIĆ: Kad govorimo o tome, mislimo na socio-ekonomski razvoj lokalne zajednice, a pitanje koje se nameće odnosi se na to kolike su nadležnosti jedinica lokalne samouprave. Drugim riječima, upitno je koliko lokalna zajednica može utjecati na kreiranje novih radnih mjesta. U tom kontekstu, lokalna samouprava treba pripremiti osnovnu bazu kako doći do tih radnih mjesta. Kao načelnik, s ponosom mogu reći da smo jako puno uradili u tom pravcu - donijeli smo strateške dokumente i sve ostale zakonske i podzakonske akte, koji idu ka tome da stvorimo ambijent za zapošljavanje.

Međutim, mislim da tu imamo, ne samo Bugojno već i druge općine u BiH, dosta nesuglasica sa višim nivoima vlasti. Tamo gdje bi lokalna zajednica mogla doći do radnih mjesta, a to su oblasti prirodnih bogatstava ili privrede, lokalna vlast se ne pita mnogo i ne odlučuje, što u prevodu znači da ukoliko nemaš vlasništvo nad nečim, ne možeš ni raditi na stvaranju novih radnih mjesta. Međutim, možemo stvarati ambijent za razvoj lokalne zajednice, što i činimo.

Generalno govoreći, moramo definitivno pokrenuti proceduru preispitivanja određenih zakona koji su usvojeni na višim nivoima vlasti bez konsultacija sa jedinicama lokalne samouprave. Djelimično sam zadovoljan uvezanošću sa višim nivoima vlasti... U većini slučajeva, puno toga je oduzeto iz nadležnosti lokalnih zajednica, u kojima se u najvećoj mjeri odvija život ljudi.


ONASA: Prošle godine na lokalnim izborima osvojili ste treći mandat općinskog načelnika, ovaj put kao nezavisni kandidat. U utrci za tu poziciju bili ste izloženi napadima čiji cilj je bio vaša diskreditacija. Kako danas sarađujete sa Općinskim vijećem i imate li podršku političkih stranaka zastupljenih u lokalnoj zakonodavnoj vlasti?

AJKUNIĆ: Konkretno, prvi put se na našem prostoru desilo nešto novo - pobijedio je jedan nezavisni kandidat, formirana je nezavisna Lista za Bugojno i pobijedila je demokratija, odnosno Bugojanke i Bugojanci. Njihovo razmišljanje politika nije mogla promijeniti... Bugojno je pokrenulo kotač koji vodi ka napretku. Ne bih se kandidirao kao nezavisni kandidat da nisam imao podršku građana koji su željeli da nastavimo graditi.

Sve što je bilo do izbora, mislim na napade i provokacije, za mene je prošlost, a od formiranja organa vlasti nakon izbora počinje budućnost... U postojećim uslovima, ja sam načelnik svih građana Bugojna i tako se postavljam na Općinskom vijeću, ali ću i dalje propagirati građansku opciju. Moj je stav da sve projekte, bez obzira o čijim se inicijativama radi, ukoliko to zaslužuju, treba razmotriti i podržati. Za mene je obaveza svaka odluka koja je donesena većinom glasova, ali, ukoliko se pojedine odluke donesu a da nisu usklađene sa zakonskim okvirima i potrebama građana, ja ću tražiti njihovo preispitivanje.



Bugojno panorama



Trenutno, imam jako dobru saradnju sa svim partijama koje participiraju u Općinskom vijeću u kojem većinu čine Socijaldemokratska partije (SDP) BiH, Savez za bolju budućnost (SBB) BiH, Hrvatska demokratska zajednica (HDZ) BiH i Stranka demokratske akcije (SDA). Za ilustraciju ove tvrdnje, treba reći da su posljednje tri sjednice Općinskog vijeća bile uspješne, budući da je blizu 80 posto tačaka usvojeno jednoglasno.

ONASA: Strategijom lokalnog razvoja za period od 2005. do 2015. godine planirano je da Bugojno, kao ekonomski razvijena i uređena općina, bude centar i nosilac razvoja Gornjevrbaske regije i privlačno mjesto za život. Koliko je danas Bugojno daleko od ovog cilja i šta je potrebno učiniti kako bi on bio ostvaren?

AJKUNIĆ: Kada poredimo vrijeme u kojem je kreirana pomenuta strategija i aktuelno vrijeme, mogu reći da nismo uspjeli samo u onome u čemu su nam trebali pomoći viši nivoi vlasti. S druge strane, garantujem da smo gotovo u potpunosti ispoštovali ono što je trebala uraditi lokalna zajednica - stvoriti ambijent za zapošljavanje i promijeniti socijalnu i ekonomsku sliku Bugojna.

Prošle godine smo počeli revidirati pomenutu strategiju u kojoj je osnovni segment razvoj poljoprivrede i malih i srednjih preduzeća, a mislim da ćemo ove godine moći krenuti ka kapitalnim projektima - otvaranju površinskog kopa rudnika, definitivnom završavanju zaobilaznice, usvajanju plansko-prostornog dokumenta, regulacionih i urbanističkih planova. Uz novu poslovnu zonu, ti projekti će stvoriti sve ono što Bugojno treba da bude.

Naša općina, mogu s ponosom kazati, doživjela je pozitivnu promjenu u odnosu na raniji period i danas predstavlja jedan mali regionalni centar, gdje svaki dan imamo veći broj stanovnika i veći broj izdatih urbanističkih, građevinskih i upotrebnih dozvola.



Bugojno

GRADAČAC I TIK A DOGOVARAJU ZAJEDNIČKE PROJEKTE



Sva neophodna dokumentacija za izgradnju Kulturnog centra u Gradačcu je spremna, rečeno je prilikom sastanka načelnika općine Gradačac Edisa Dervišagića i direktora Turske agencije za međunarodnu saradnju i razvoj (TIKA) Zulkufa Oruča koji je održan 6. marta/ožujka, saopćeno je na sajtu općine Gradačac.

Dervišagić je rekao kako općina Gradačac ima razvijenu metalnu i tekstilnu industriju, poljoprivrednu proizvodnju i preradu mlijeka, pa je izrazio zainteresovanost da u saradnji sa TIKA-om zajednički pokrenu

određene privredne projekte.

Dogovorena je i saradnja na posredovanju u učešću turskih privrednika na ovogodišnjem jubilarom 40. sajmu poljoprivrede i prehrambene industrije – Sajmu šljive u Gradačcu.



SARAJEVO TREĆI PUT U PRESTIŽNOM EVROPSKOM MAGAZINU 'CITY LEADERS'



Evropski magazin "City Leaders" treći put uvrstio je Sarajevo u prestižnu publikaciju za 2013. godinu.

Grad Sarajevo je već treći put prepoznat od prestižnog evropskog magazina "City Leaders" kao jedan od potencijalno - razvojnih gradova jugoistočne Evrope u usponu, kao i jedan od najatraktivnijih turističkih destinacija i grad s velikim investicijskim mogućnostima.

Tome u prilog govori članak o Sarajevu koji je objavljen u ovom renomiranom magazinu u izdanju za 2013. godinu gdje se posebno ističe ubrzani rast turističkih kapaciteta koji je u odnosu na 2011. godinu povećan za značajan broj objekata iz oblasti hotelijerstva.

Tendencija rasta turističkih kapaciteta doprinijela je povećanom broja turističkih posjeta gradu Sarajevu u tom periodu. Također, Sarajevo je prikazano kao grad s izraženim investicijskim mogućnostima u oblasti nekretnina, gdje se posebno ističe kontinuirani i ubrzani razvoj i rast poslovnih i biznis centara na području grada Sarajeva, saopćeno je iz Gradske uprave.



Grb Grada Sarajeva



Travnik

TRAVNIK DOBIJA NOVI TRG I SPORTSKO REKREACIONI PARK

TRAVNIK, 04. mart/ožujak – Peter Sorensen, šef Delegacije Evropske Unije i specijalni predstavnik EU u BiH danas se u Travniku susreo sa načelnikom Općine Travnik i predsjedavajućim Općinskog vijeća.

Sastanku su prisustvovali i Nj.E. gđa Maria Aurora Mejia Errasquin, ambasador Španije u BiH, Nj.E. g. Angel Angelov, ambasador Bugarske u BiH i Cristiana Markert, zamjenik ambasadora Njemačke u BiH.

Ovom prilikom prezentovano je idejno rješenje Trga Evrope čija je gradnja predviđena na mjestu sadašnjeg trga ispred Konzuma.

Inače, ovo je ideja načelnika Hadžiemrića koja je rezultat praćenja simbolike uspostavljanja partnerstava sa Lajpcigom i sa turskim gradom Izmitom.

Nakon Trga grada Lajpciga, u Travniku su završene sve pripreme za početak gradnje Sportsko-rekreativnog parka kod OŠ „Travnik“, koji će se finansirati iz budžeta grada Izmita, a danas je prezentovao i idejno rješenje Trga Evrope. Izgradnja je planirana u ljetnjim mjesecima tekuće godine.

Tragom ove ideje načelnika Hadžiemrića nastao je i idejni projekat Trga Evrope koje su projektovale arhitekture Adnana Muminagić i Azra Muslimović. Ovaj idejni projekat danas je uručen i Sorensenu i predstavnicima Ambasada Španije, Bugarske i Njemačke.



Idejno rješenje Trga Evrope

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

U EU 40 POSTO OTPADA SE RECIKLIRA ILI KOMPOSTIRA, DOK BIH 100 POSTO OTPADA ODLAŽE NA ODLAGALIŠTA

ZAGREB/ BRISEL, 4. MARTA (ONASA - HINA) - U Evropskoj uniji (EU) je 2011. reciklirano ili kompostirano 40 posto komunalnog otpada, dok je u Hrvatskoj na taj način zbrinuto manje od deset posto otpada, pokazali su novi podaci Eurostata, objavljeni danas u Briselu.

Istraživanje je obuhvatilo zemlje EU, Island, Norvešku i Švajcarsku, Hrvatsku, te Makedoniju, Srbiju, Tursku i BiH.

U EU je 2011. proizvedeno 503 kilograma komunalnog otpada po osobi, a 486 kilograma po osobi je zbrinuto na različite načine: 37 posto na odlagalištima otpada, 23 posto spaljeno, 25 posto reciklirano i 15 posto kompostirano.

Godine 2001. na odlagalištima je završilo 56 posto otpada, 17 posto bilo je reciklirano, a 10 posto kompostirano.

Najviše komunalnog otpada po osobi proizvedeno je u Danskoj - 718 kilograma, a slijede Luksemburg, Kipar i Irska s između 600 i 700 kilograma po osobi, Njemačka, Holandija, Malta, Austrija, Italija, Španija, Francuska, Velika Britanija i Finska sa između 500 i 600 kilograma, Grčka, Portugal, Belgija, Švedska, Litvanija i Slovenija s između 400 i 500 kilograma, a manje od 400 kilograma po osobi proizvedeno je u Mađarskoj, Bugarskoj, Rumuniji, Latviji, Slovačkoj, Češkoj, Poljskoj i Estoniji.

Po podacima Eurostata, u Hrvatskoj je 2011. bilo proizvedeno 373 kilograma komunalnog otpada po osobi, od kojih je 371 kilogram zbrinut, najčešće na odlagalištima.

Otpad na odlagalištima najčešće završi u Rumuniji (99 posto), Bugarskoj (94 posto), Malti (92 posto), Litvaniji i Latviji (88 posto). Hrvatska je takođe visoko na toj ljestvici budući da na odlagalištima završi 92 posto otpada. U Belgiji, Njemačkoj, Holandiji i Švedskoj na odlagalištima završi samo jedan posto otpada, a u Švajcarskoj manje od 0,5 posto.

Spaljivanje otpada najviše koriste Danska (54 posto), Švedska (51 posto) i Belgija (42 posto), izvan EU-a Norveška (57 posto) i Švajcarska (50 posto), a ispod 0,5 posto otpada spaljuju Bugarska, Estonija, Grčka, Kipar, Latvija, Rumunija i Hrvatska.

Recikliranje je najčešće u Njemačkoj (45 posto), Irskoj (37 posto), Belgiji (36 posto), Sloveniji (34 posto), Švedskoj (33 posto), Holandiji (32 posto) i Danskoj (31 posto), kao i u Švajcarskoj (35 posto). Hrvatska je reciklirala osam posto otpada, a u Rumuniji recikliranja gotovo da nema - jedan posto.

Kompostiranje otpada najviše koriste Austrija (34 posto), Holandija (28 posto), Belgija i Luksemburg (20 posto), Španija i Francuska (18 posto). Na ispod 0,5 su Malta i Rumunjska.

Recikliranje i kompostiranje zajedno najviše koriste Njemačka (63 posto), Austrija (62 posto), Holandija (61 posto) i Belgija (57 posto). Makedonija, Srbija i BiH 100 posto otpada odlaze na odlagalištima, a Turska 99 posto.



INTERVJU: DŽEVAD MUJKIĆ, NAČELNIK OPĆINE LUKAVAC

Razgovarala: Ljiljana SKOKIĆ

SARAJEVO, 3. MARTA (ONASA) - Načelnik Općine Lukavac Dževad Mujkić u intervjuu za Agenciju ONASA govori, između ostalog o ekonomskoj situaciji na području općine, nosiocima privrednog razvoja, najčešćim problemima sa kojima se susreće u radu, stepenu zaposlenosti.

ONASA: Kako ocjenjujete ekonomsku situaciju na području općine Lukavac? Ko su nosioci privrednog razvoja općine?

MUJKIĆ: Ekonomska situacija u našoj općini je prilično složena. Posmatrajući situaciju ne samo na području općine Lukavac i cijele BiH, nego i cijelog regiona možemo zaključiti da se nalazimo u velikoj ekonomskoj krizi.

Činjenica je da u općini Lukavac i dalje rade one fabrike koje su radile i prije rata na ovom području, s tim da su te fabrike većinom sada privatizovane. Općina Lukavac je tradicionalno industrijska općina i imamo brojne kompanije kao što su Sisecam soda Lukavac d.o.o., Fabrika cementa Lukavac d.d., Koksno-hemijski kombinat (KHK) GIKIL, Rudnik lignita PK "Šikulje", Rudnik krečnjaka Vijenac d.o.o. ...

Razvoj trgovine u općini Lukavac doprinio je da u našoj, iako maloj općini, budu izgrađena tri respektabilna tržna centra, koji zapošljavaju veliki broj ljudi. Za općinu je od velike važnosti i akumulacija jezera Modrac, koje je glavni izvor za snabdijevanje pitkom vodom dijelova Tuzle, Lukavca, ali i industrije. Napomenuo bih da je akumulacija jezera Modrac najveća vještačka akumulacija u BiH. Zahvaljujući jezeru Modrac na području općine Lukavac došlo je i do razvoja turizma, pa sada, u odnosu na prijeratno stanje, u općini imamo izgrađenih pet novih hotela. Prema našim analizama u odnosu na broj stanovnika općina Lukavac ima najviše kvalitetnih ležaja u BiH.

ONASA: Po čemu je općina Lukavac prepoznatljiva u odnosu na ostale općine u Kantonu i uopšte u BiH?

MUJKIĆ: Iako je za općinu Lukavac karakterističan segment industrije, ona je prepoznatljiva i po turizmu i to, kao što sam rekao, posebno zahvaljujući jezeru Modrac. Činjenica da imamo "Bosansko more", odnosno Modrac dovela je do razvoja turizma na ovom području. Recimo, tokom 1995. i 1996. bilo i do 10.000 kupaca na jezeru. Danas to, na žalost, nije tako, jer je Tuzla, izgradila slana jezera, pa tamo kupaci više odlaze. Međutim, prostor općine Lukavac je ostao i dalje turistički otvoren. Broj noćenja turista u Lukavcu je vrlo respektabilan zahvaljujući novoizgrađenim hotelima koji posjeduju vrlo kvalitetne sadržaje i nude lijep i ugodan ambijent.

ONASA: Koje grane privrede imaju najveće potencijale za investiranje u općini Lukavac? Šta Općina čini da privuče investitore?

MUJKIĆ: Na ulazu u općinu Lukavac nalazi se prostor koji smo predviđeli za izgradnju industrijske i poslovne zone. Zahvaljujući pomoći Vlade Tuzlanskog kantona (TK), te pomoći resornih federalnih ministarstava djelimično smo uredili poslovnu zonu. Za blizu deset hektara urađena je prostorno - planska dokumentacija za izgradnju poslove zone, nakon čega smo odredili lokacije za poslovanje, koje smo prodali. Dobijena sredstva dalje smo uložili, odnosno reinvestirali u infrastrukturu industrijske zone, pa smo uredili otpadne vode, uredili struju, doveli vodu i stvorili sve predulove za rad. Već sada imamo nekoliko podnesenih zahtijeva za rad, za koja su izdata i odobrenja, pa u ovoj godini očekujemo značajnije radove. Inače, općinske procjene bile su da industrijska i poslovna zona mogu obezbijediti do 5.000 radnih mjesta.

ONASA: Koji je najznačajniji projekat koji planirate realizovati u ovoj godini?

MUJKIĆ: Pored rada na poslovnoj i industrijskoj zoni u ovoj godini planiramo nastaviti aktivnosti na našem glavnom projektu, odnosno problemu rješavanja vodosnabdijevanja na području općine. Pomenuti projekat radimo u saradnji sa Češkom Vladom i Razvojnou agencijom Češke. U ovom trenutku stanovništvo općine Lukavac se snabdijeva vodom iz jezera Modrac, a naše procjene su da to nije dobro rješenje, jer jezerom Modrac gazduje Vodoprivredno preduzeće Spreča koje vodu prodaje GIKIL-u, GIKIL komunalnom preduzeću, a komunalno preduzeće tu vodu prodaje građanima. To je komplikovan sistem u kojem s vremena na vrijeme jedni druge ucijenjuju ili postavljaju uslove. Mišljenja smo da bi Općina Lukavac trebala biti vlasnik svog vodovoda i bunara, odnosno izvorišta.



Dževad Mujkić načelnik Općine Lukavac




Grb Općine Lukavac

"Zahvaljujući pomoći Vlade Tuzlanskog kantona (TK), te pomoći resornih federalnih ministarstava djelimično smo uredili poslovnu zonu. Za blizu deset hektara urađena je prostorno - planska dokumentacija za izgradnju poslove zone, nakon čega smo odredili lokacije za poslovanje, koje smo prodali."




Lukavac



Lukavac, stare razglednice

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoentar.ba
www.balkanfund.org
www.eurelmed.com
www.eacea.ec.europa.eu



Lukavac, stare razglednice

Kada je riječ o vodosnabdijevanju u proces rješavanja problema Općina je na početku ušla samostalno, nakon čega smo aplicirali na konkursu za projekat, koji smo i prošli, pa sada u saradnji sa Česima vršimo dalje aktivnosti. Inače, izvorište smo pronašli na tri kilometra udaljeno od Lukavca, pa su nam Češka Vlada i Razvojna agencija donirale tri kilometra cjevovod. Češka razvojna agencija je finansirala izgradnju dvije bušotine, a na 140 metru pronašli smo vodu, za koju se, nažalost, pokazalo da nije dobrog kvaliteta. Nakon što su stručnjaci iz Češke izvršili analizu vode rekli su nam da posjeduju tehnologiju koja će spriječiti onečišćenja u vodi. Očekujemo da ćemo već u aprilu ili maju mjesecu ove godine imati ljude na terenu koji će raditi na tim bušotinama. Nadam se, ako sve bude išlo planiranom dinamikom, da bi već u ovoj godini veći dio radova mogao biti završen.

**ONASA: Šta konkretno činite na unapređenju ambijenta za privređivanje na području općine Lukavac?**

MUJKIĆ: Na neki način svi mi u Općini Lukavac, ukoliko želimo napredak privrede i nove investicije, moramo činiti sve što od nas traže biznismeni. Na nama je da pojednostavimo administrativne procedure, da im obezbijedimo sigurnost i garancije za ulaganje.

ONASA: Sa kojim se problemima najčešće susrećete u radu?

MUJKIĆ: Razvijenu industriju u općini Lukavac, nažalost, prate i krupni ekološki problemi. Zahvaljujući ulaganjima u industriju brojne kompanije prate savremene ekološke standarde. Međutim, mi imamo i veliki broj kompanija koje su nastale u 20. vijeku i koje treba prevesti u 21. vijek kako bi pratile postavljene ekološke standarde. Općina Lukavac ima izgrađen lokalni ekološki plan na osnovu kojeg je propisano da su sve firme dužne imati okolinske dozvole za rad. Okolinske dozvole se dobijaju na period od oko pet godina i ne mogu se dobiti ukoliko firma ne ispuni određene obaveze.

Takođe, jedan od većih problema su divlje deponije, kojih imamo mnogo. Kao lokalna zajednica dužni smo da ih nadziremo i da se protiv toga borimo. Općina nastoji stimulativnom mjerom, odnosno dodjeljivanjem određenih sredstava udruženjima koja čiste, potači rješavanje ovog problema. Vlada TK je zajedno sa općinama napravila dobar potez, naime mi smo dobili dva komunalna redara koji evidentiraju sve one koji prave prekršaje u ovoj oblasti, nakon čega protiv takvih bude pokrenut postupak.

ONASA: Da li ste zadovoljni stepenom zaposlenosti na području općine Lukavac i šta planirate činiti na većem zapošljavanju mladih obrazovanih kadrova?

MUJKIĆ: Kada je riječ o odnosu broja zaposlenih i nezaposlenih lica u općini Lukavac može se reći da on iznosi 50 : 50 posto. Međutim, to nisu stvarni pokazatelji, jer u našoj općini, ali i u dijelovima BiH vlada siva ekonomija i veliki broj ljudi radi na crno, pa je stvarna zaposlenost nešto povoljnija i broj ljudi koji traži posao je manji od onih koji se vode na evidenciji službe za zapošljavanje. Najveći broj zaposlenih u općini Lukavac je u Sisecam soda Lukavac, Fabrici cementa, Koksno-hemijskom kombinatu. Međutim, broj uposlenih u ovim firmama značajno je smanjen u odnosu na prijeratni period, jer navedene firme su dio branši izbacile iz svog poslovanja.

Za općinu je veoma značajno i što veliki broj ljudi rade u inostranstvu, u Afganistanu, Iraku, Kuvajtu. Kada je riječ o većem zapošljavanju mladih obrazovanih kadrova Općina je pokrenula program zapošljavanja pripravnika sa područja općine. Činjenica je da mladi, nakon završenih fakulteta, ne mogu pronaći posao, ne mogu položiti stručne ispite bez završenog pripravničkog staža. U općini Lukavac ima otvoren javni poziv za sve koji završe fakultet da se jave u Općinu i evidentiraju se, a Općina im obezbjeđuje odrađivanje pripravničkog staža. Za ovu namjenu Općina je do sada izdvojila više od milion KM, jer za svakog tog pojedinca uplaćujemo po 150 KM na ime poreza i doprinosa, te 150 KM kao naknadu za rad tim mladim ljudima. Trenutno ima 608 mladih ljudi sa područja općine sa završenim fakultetom koji su učestvovali u ovom programu, ili su u fazi da to realizuju. Mišljenja smo da su mladi naša velika odgovornost i mi treba da im pomognemo pri zapošljavanju.

NEXPO 2013 – MEĐUNARODNI SAJAM OPĆINA



Centar Zamet Rijeka

lokalne samouprave, asocijacije lokalnih vlasti, razvojne agencija, civilno društvo i poslovne ljude iz jugoistočne Europe i šire. NEXPO promiče ulogu lokalne samouprave i proces decentralizacije, osigurava regionalno povezivanje, promovirajući decentraliziranu saradnju, regionalno poslovno povezivanje i izgradnju mira i stabilnosti.

NEXPO je prvi put organiziran u martu/ožujku 2011. godine u Sarajevu. Tom prilikom se okupilo 200 načelnika/gradonačelnika, više od 100 izlagača, oko 2.000 posjetitelja, te realizirano 9 konferencija i radionica.

Glavna tema ovogodišnjeg događaja NEXPO 2013 je EU integracija. Sajam će također pružiti mogućnosti za lokalne vlasti da se sastanu sa predstavnicima poslovnog sektora i privuku potencijalne investitore za svoje projekte u području energetske učinkovitosti i obnovljivih izvora energije.

NEXPO 2013 će se održati u Centru Zamet u Rijeci, koji pruža 4.000 m² izložbenog prostora, a očekuje se da će privući više od 4.000 učesnika.

Program NEXPO 2013 uključuje:

- **Konferenciju** "Na putu u EU integracije-uklanjanje prepreka, Otvorimo naše potencijale" (25. septembar/rujan 2013, Hrvatski kulturni dom na Sušaku, po pozivu)
- **NEXPO sajam** (26. i 27. septembar/rujan 2013, Centar Zamet)
- **Seriju radionica** (26. i 27. septembar/rujan 2013, Centar Zamet), podjeljenih u dvije glavne teme: Poboljšanje prakse u održivom razvoju i poboljšanje prakse u upravljanju i partnerskom radu
- **Café gradonačelnika** (26. i 27. septembar/rujan 2013, Centar Zamet) je savršeno mjesto za licem u lice razgovor između gradonačelnika o saradnji, investicija, donacija ili bratimljenju
- **Spajanje** (26. i 27. septembar/rujan 2013, Centar Zamet) omogućit će općinama i privatnom sektoru susrete, predstavljanje i pronalaženje prilike za saradnju
- **Kulturni program**

Da bi postali dio NEXPO 2013, rezervirajte svoj štand i iskoristite priliku za susret s ljudima, razmjenu iskustava, učenje novih stvari, uspoređivanje s drugima, promoviranje svog posla i pronalazak potencijalnih partnera i investitora.


Cijena zakupa standardnog štand paketa za općine iznosi 900 eura, što uključuje: štand prostor 9 m², 2-3 zidne ploče, tepih, magacin prostor, 4 stolice, info desk, jedan stol, dva reflektora, 220V utikač, tabla u boji s imenom i logotipom izlagača. Dodatna oprema za štand je dostupna na zahtjev.

Za više informacija, molimo provjerite: <http://nexpo.nalas.eu/>

LAF STUDY TOUR ON PROTECTION AND MANAGEMENT OF WATER RESOURCE

U okviru programa Local Administration Facility (LAF) organizuje se studijska posjeta Briselu pod nazivom „Zaštita i upravljanje vodnim resursima (LAF Study Tour on Protection and management of water resources) koja će trajati od 24. do 26. aprila/travnja 2013. godine.

Cilj studijskog putovanja je pružiti priliku lokalnim i regionalnim predstavnicima za upoznavanje sa zaštitom i upravljanjem vodnim resursima na lokalnom nivou i sa EU politikom voda. Također, imat će priliku da razmjene svoja iskustva sa kolegama iz zemalja EU.



Centar Zamet Rijeka

Cilj studijskog putovanja je pružiti priliku lokalnim i regionalnim predstavnicima za upoznavanje sa zaštitom i upravljanjem vodnim resursima na lokalnom nivou i sa EU politikom voda.

**Savez općina i gradova Federacije
Bosne i Hercegovine**

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

WWW.SOGFBIH.BA

LAF STUDY TOUR ON PROTECTION AND MANAGEMENT OF WATER RESOURCE

Studijsko putovanje je otvoreno za učesnike iz Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija). Maksimalno po šest učesnika može biti izabrano iz svake od zemalja Zapadnog Balkana.

Aplikacija treba da sadrži popunjen prijavni formular, pismo interesa i CV. Zainteresovani kandidati treba da pošalju CV i pismo motivacije (sa detaljima njihovog obrazovanja i profesionalnog iskustva i na koji način će dalje da prenose informacije sa ovog studijskog putovanja). Prvi pregled pristiglih aplikacija obaviće EU Delegacija u BiH. Aplikacije treba da se šalju na adresu: DELEGATION-BIH-TAIE@eeas.europa.eu

Izbor kandidata vršiće Generalni direktorat za proširenje zajedno sa program menadžerima Delegacije Evropske unije u BiH.

Jezik studijskog putovanja je engleski pa je stoga aktivno znanje engleskog jezika preduslov za učešće. Učesnici će biti direktno kontaktirani od strane kancelarije Generalnog direktorata za proširenje, pa stoga je bitno da kandidati navedu direktan broj telefona u prijavnom formularu. Znanje engleskog jezika je važno zbog praktičnih vježbi gdje će biti traženo učešće svih polaznika. Studijska posjeta organizuje se za učesnike koji nisu do sada bili dio LAF događaja ove vrste.

Krajnji rok za podnošenje prijava je 19. mart/ožujak 2013. godine.

U slučaju da imate bilo kakvih pitanja u vezi sa aplikacijom, molim Vas kontaktirajte gđu. Esmiru Kešan na: esmira.KESAN@eeas.europa.eu

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

